

太
右
大
師
全
書

于
右
題
圖

太虛大師全書
(太虛菩薩藏)

法藏：法界圓覺學
(三)



善導寺佛經流通處印行

法華講演錄下

隨喜功德品第十八

一乘果中已滿之佛果，前已釋竟，以下明未滿果。未滿果者，即因中之果。釋之者有三品，以隨喜功德品爲首，在全經品第中則居第十八也。

隨者、不違反之意，喜、即受心所中之喜受。根塵識三和合爲受，即所領受之境，能領受之心、與居心境間之根、和合而起受心也。順受爲喜，違受爲苦，不違不順之受爲捨。凡對一切境，皆先領受而後思想。上品所明爲領受之喜，顯心與所聞之佛境相順而不相違。苟非夙植德本，深具善根，何由致此？蓋此諸人，本有法性之德，無漏之功，故一聞妙法，便現有隨順喜悅之相，能使本有之功德相顯現分明，發榮滋長也。

五法力中第四爲聞法，由從他聞能生隨喜，故爲法力之一。爲明法力所由生，故有此品。

丙二 明未滿果

丁一 傍隨喜福果

戊一 彌勒請

「爾時、彌勒菩薩摩訶薩白佛言：『世尊！若有善男子、善女人，聞是法華經隨喜者，得幾所福』？而說偈言：『世尊滅度後，其有聞是經，若能隨喜者，爲得幾所福』」？

聞，兼攝見聞二義。幾所福、猶言幾許福。

戊二 世尊答

己一 長行

庚一 校量為問

「爾時、佛告彌勒菩薩摩訶薩：『阿逸多！如來滅後，若比丘、比丘尼、優婆塞、優婆夷，及餘智者若長、若幼，聞是經隨喜已，從法會出至於餘處——若在僧坊，若空閒地，若城邑巷陌、聚落田里，如其所聞，為父母、宗親、善友知識隨力演說。是諸人等聞已隨喜，復行轉教。餘人聞已，亦隨喜轉教。如是展轉至第五十，阿逸多！其第五十善男子、善女人隨喜功德，我今說之，汝當善聽』！」

首明能隨喜之人。比丘等四眾，為已信佛法、受戒修行者。餘智者、指尚未聞法修行之眾。隨喜、即見人得益心生歡喜，不生嫉妬；聞所說法，與心和順，不生違戾。宗親、同宗之親族。知識、相知相識之人。隨喜聞法及隨喜演說，均不必得於經之全義，至展轉傳說之後，其義當益不完。直至第五十人者，極言所傳法義之微，其隨喜功德當至有限也。

「若四百萬億阿僧祇世界六趣四生衆生——卵生、胎生、濕生、化生，若有形、無形，有想、無想、非有想非無想，無足、二足、四足、多足，如是在衆生數者，有人求福，隨其所欲娛樂之具皆給與之。一一衆生，與滿閻浮提金、銀、瑠璃、碑磬、碼碯、珊瑚、琥珀、諸妙珍寶，及象馬車乘、七寶所成宮殿樓閣等，是大施主如是布施滿八十年已」。

此下明所校量之境。四生，即胎、卵、濕、化。自卵生以下，若加非有形、非無形兩類，共名十二類生。又四生亦可通攝十二類生，因化生可攝形、想等類也。此以生類爲別。無足、即腹行類，合二足、四足、多足等，皆以足數爲別。在衆生數者，指一切含靈之類。有人求福，猶云此衆生中有求福者，非專指人類也。世界既多，生類又衆，廣大布施更歷多年，其財施功德之勝如此。

「而作是念：我已施衆生娛樂之具，隨意所欲。然此衆生皆已衰老，年過八十，髮白面皺，將死不久，我當以佛法而訓導之。即集此衆生，宣布法化，

示教、利喜，一時皆得須陀洹道、斯陀含道、阿那含道、阿羅漢道，盡諸有漏，於深禪定皆得自在，具八解脫」。

既有財施，則衆生生活上之苦已爲除免，然衆生老病之苦，生死流轉之苦，尚難獲免。此非財施之力所能拔濟，故更以佛之解脫法示教利喜，令次第證於四果，成阿羅漢。盡諸有漏，爲斷性障。於諸禪定皆得自在，爲斷定障。性障由無始俱來，定障則由修習而得者。執著斷盡，則生死本空，遂得小乘涅槃，其法施功德之勝又如此。

「於奴意云何？是大施主所得功德寧爲多不」？彌勒白佛言：「世尊！是人功德甚多，無量無邊。若是施主，但施衆生一切樂具，功德無量，何況令得阿羅漢果」！

此校量施主功德。

庚二 正成校量

辛一 成傍隨喜功德

「佛告彌勒：『我今分明語汝：是人以一切樂具施於四百萬億阿僧祇世界六趣衆生又令得阿羅漢果，所得功德，不如是第五十人聞法華經一偈、隨喜功德，百分、千分、百千萬億分不及其一，乃至算數譬喻所不能知』」。

此釋成施主功德不如第五十人隨喜功德之少分。蓋財施只救世人生計之苦，至法施雖令人人得證阿羅漢亦仍非究竟解脫；又況得阿羅漢者，著於小乘涅槃，於衆生究有何益？故不如聞妙法一偈者功德之大也。

「阿逸多！如是第五十人，展轉聞法華經隨喜功德，尚無量無邊阿僧祇，何況最初於會中間而隨喜者，其福復勝，無量無邊阿僧祇不可得比！」

此釋成最初隨喜法會者之福更較第五十人爲勝。蓋此第五十人，能以隨喜之法施饒益衆生，皆由展轉傳說經義所致；而此展轉傳說，則皆第五十人以前諸人之力；而推展轉傳說之由來，非有最初隨喜法會者之隨喜演說，又曷克致

此！是此最初者之功德，皆餘人功德之所從出，故其福無可得比。蓋一人、一時之法會隨喜，一偈、一句之隨喜演說，其發端雖微，而往往能喚起夙具智根之人，由聞起信，由信生解，由解起行，由行證果，諸佛諸祖豐盛偉大之佛事業，蓋莫不肇基於此。故一人、一言之佛法功德，實非可以限量計也。

辛二 成正隨喜功德

「又、阿逸多！若人爲是經故，往詣僧坊，若坐、若立須臾聽受，緣是功德，轉身所生得好上妙象馬車乘、珍寶輦輿，及乘天宮。若復有人於講法處坐，更有人來勸令坐聽，若分座令坐，是人功德，轉身得帝釋坐處，若梵王坐處，若轉輪聖王所坐之處」。

此釋聽聞隨喜、及勸聽隨喜之果。及乘天宮，謂色界天等得乘宮殿往來空中也。勸坐、分座，令得久聽，自身雖未宏法，即爲助人宏法，故隨各人功行，轉身可得天人等王位之福報。

「阿逸多！若復有人語餘人言：『有經名法華，可共往聽。即受其教，乃

至須臾間聞，是人功德，轉身得與陀羅尼菩薩共生一處，利根智慧，百千萬世終不瘡癰」。

此下詳釋勸聽隨喜之果。先釋得好善友。即受其教，謂此餘人中有人即從其言而往聽也。是人、指勸人聽經之人。陀羅尼菩薩，指五地以上。得與共處，故常聞法，因能完成慧德，永劫不遭瘡癰。

「口氣不臭，舌常無病，口亦無病；齒不垢黑、不黃、不疏、亦不缺落，不差曲；脣不下垂，亦不褰縮，不羸澁，不瘡疹，亦不缺壞，亦不𪔐斜，不厚不大，亦不鰲黑，無諸可惡。鼻不匾匱，亦不曲戾；面色不黑，亦不陋長，亦不窻曲，無有一切不可喜相。脣、舌、牙齒悉皆嚴好，鼻修高直，面貌圓滿，眉高而長，額廣平正，人相具足」。

此釋福相莊嚴。差、謂齒參差。曲、謂齒屈曲。褰音憇，義與縮同。脣下垂則長，褰縮則短，羸則不細，澁則不滑，脣瘍爲疹，不正爲𪔐，皆脣之惡相。匱、即俗書之匱，匾薄日匱。不正爲戾。陋與狹同。窻音窪，義與凹同。以

上口、脣、齒、鼻、面五節，分顯正報莊嚴之相。自脣、舌、牙齒句以下，總敘善根深厚，諸相具足之相。

「世所生，見佛聞法，信受教誨」。

此釋生生見佛。能見佛聞法世世不斷，則終當成佛，其福慧何可幾及也？「阿逸多！汝且觀是勸於一人令往聽法功德如此，何況一心聽說讀誦，而於大眾爲人分別，如說修行」！

此釋舉劣成勝。謂勸一人聽法者所獲色相莊嚴之報，只爲劣果。舉此、正以釋成自能聽說，并勸衆如說修行者之功德殊勝也。

己二 重頌

庚一 頌傍隨喜之福

爾時、世尊欲重宣此義而說偈言：「若人於法會，得聞是經典，乃至於一偈，隨喜爲他說，如是展轉教，至於第五十。最後人獲福，今當分別之：如有

大施主，供給無量衆，具滿八十歲，隨意之所欲。見彼衰老相，髮白而面皺，齒疏形枯竭，念其死不久，我今應當教，令得於道果。即爲方便說，涅槃真實法：『世皆不牢固，如水沫、泡、燄，汝等咸應當，疾生厭離心！』諸人聞是法，皆得阿羅漢，是足六神通，三明八解脫。最後第五十，聞一偈隨喜，是人福勝彼，不可爲譬喻。如是展轉聞，其福尚無量，何況於法會，初聞隨喜者」？

傍隨喜，即展轉聞法之衆。

庚二 頌正隨喜之福

「若有勸一人，將引聽法華，言此經深妙，千萬劫難遇，即受教往聽，乃至須臾聞，斯人之福報，今當分別說：世世無口患；齒不疏黃黑，脣不厚褻缺，無有可惡相；舌不乾黑短。鼻高修且直，額廣而平正，面目悉端嚴，爲人所喜見。口氣無臭穢，優鉢華之香，常從其口出。若故詣僧坊，欲聽法華經，須臾聞歡喜，今當說其福：後生天人中，得妙象馬車，珍寶之輦輿，及乘天宮殿

。若於講法處，勸人坐聽經，是福因緣得釋梵轉輪座。何況一心聽，解說其義趣，如說而修行，其福不可限」。

正隨喜、即自往聞法，及勸人聽法者。優鉢華、即青蓮花。

法師功德品第十九

在明未滿果章中，第一節爲明傍隨喜福果。凡隨順眞能了解如實修行之人而喜者爲傍隨喜，福果即其功德，已於隨喜功德品中釋竟。第二節爲明正依行福果，謂正依妙法如實修行之福果。釋之者共有二品，首品即法師功德品，在全經品第中則居第十九。

前講法師品，分法法師、人法師兩種。此品法師，指能行之人言，非指所行之法。能行，即指受持、讀誦、解說、書寫等五事。法師本有十種：一、持，二、讀，三、誦，四、說，五、寫，六、供養，七、施他，八、聽聞，九、思維，十、修習。此但言五種者，舉此以例其餘耳。爲明此法師當得福果多少，故有此品。

丁二 正依行福果

戊一 明法師功德

己一 告修行法師差別

「爾時、佛告常精進菩薩摩訶薩：『若善男子、善女人受持是法華經，若讀、若誦、若解說、若書寫』」。

每品各有緣起：如來壽量及隨喜功德等品，皆佛果之德，非等覺菩薩不足知之，故佛告彌勒。此品明能行之人，非具精進之德不足以因行證果，故佛告常精進菩薩。

己二 顯所得功德多少

「是人當得八百眼功德，千二百耳功德，八百鼻功德，千二百舌功德，八百身功德，千二百意功德。以是功德，莊嚴六根皆令清淨」。

功德、即由功行所發生之果德。眼、鼻、身功德，不及耳、舌、意德之多

者，蓋耳、舌、意三根，對於妙法之義理，或能聞、或能說、或能證，所聞、所說、所證之義理無邊，即能聞、能說、能證之功德無邊。而眼、鼻、身之功行，則不如耳、舌、意：如耳能聞四方之聲，眼只見前方及左右方一半之色；身根合觸方覺，意徧虛空；鼻僅通息，舌能發語宣演之類，可以概見。故以人類六根功德之數量，假定耳、舌、意功德與眼、鼻、身功德之比，爲三與二之比，或爲千二百與八百之比也。至八百與千二百數目之取義所由，釋之者亦有數說，茲舉一爲例。其說曰：十善行爲本，每一善皆有他九善爲助，各成十善行，十十善行爲一百。於每一善行中，各有自作、教他、讚歎法勝、及讚行十善四義，合爲四百。爲每一根功德之本數。此四百之功行，各有上中下三品：下品四百，中品倍之，上品三倍之。以耳、舌、意三根，聽聞談說，心得法義，修行力勝，具足三品，故爲上品，各得千二百功德。眼、鼻、身較劣，故次之各得八百功德。復次、此明功德數量，原就世間凡夫身根功德言之。凡已生世間者，即爲此世間量之所囿，所謂見不超色，聽不出聲。故此所定六根功德

之數，亦即不能出於此世間之數量矣。三世爲世，四方爲界，三四、四三，宛轉十二；由十二變百二，由百二變千二。是諸功德，皆由此經殊勝之增上力，故能莊嚴使得清淨。此清淨功德，非楞嚴所說必先破除五陰而後清淨圓通者比，以非由自力修證之所致，全由善持是經之力，加持所成，與密宗三密加持即身成佛之理蓋相同也。

己三 顯六根殊勝功德

庚一 眼根殊勝果用

「『是善男子、善女人，父母所生清淨肉眼，見於三千大千世界內外所有山林、河海；下至阿鼻地獄，上至有頂，亦見其中一切衆生，及業因緣果報生處，悉見悉知』。爾時、世尊欲重宣此義而說偈言：『若於大衆中，以無所畏心，說是法華經，汝聽其功德。是人得八百功德殊勝眼，以是莊嚴故，其目甚清淨。父母所生眼，悉見三千界，內外彌樓山，須彌及鐵圍，并諸餘山林，大

海江河水。下至阿鼻獄，上至有頂處，其中諸衆生，一切皆悉見。雖未得天眼，肉眼力如是』。

前五根中，皆有浮塵根，亦名粗色根。而真能發生六識之根體，則爲伏藏於內之勝義根，亦名淨色根。在外之浮塵根，只以扶助勝義根之成用，故以淨色根爲主體，此爲五根所同。肉眼爲浮塵根，眼之能見爲勝義根。以經力殊勝，得眼清淨，故眼根之果用亦成殊勝。山林、河海及阿鼻、有頂，兼橫豎而言。業因緣果報生處，謂以何種業之因緣，得何種果報及受生何處。父母所生眼、謂肉眼。彌樓山、即金光山，爲圍繞須彌七金山之一。每一小世界，以須彌山爲體，以鐵圍山爲邊際。悉見三千界之須彌、鐵圍，即悉見三千大千世界所有之各小世界矣。凡天眼通，能見最遠、最大、最細，能透障礙，能觀未來。如行者欲以修證而得之，須證四禪始發此通。受持是經者，並不須修證四禪，故曰未得天眼。然由是經殊勝威力之所加被，竟以肉眼而見於大千界，正天台教所說之相似位也。凡六根圓通互用之殊勝果用，本須菩薩報身始有之，此經